

## UGOVOR O DJELU

Zaključen u Sarajevu dana 01.12.2022. godine između ugovornih strana:

1. **Ministarstvo saobraćaja Kantona Sarajevo**, koje zastupa ministar Adnan Šteta (u daljem tekstu **Naručilac**) i
2. **MR. ARMIN AVDIĆ**, iz Sarajeva, **JMBG: 0100070100170** nastanjen u **Alibonika 61/5** Općina Novo Sarajevo (u daljnjem tekstu: **izvršilac**)

### Obaveze Izvršioca

#### Član 1.

Izvršilac, se obavezuje da će za **Naručioca** obavljati sljedeće poslove :

- Ažuriranje računovodstveno-finansijskih informacija vezanih za izradu završnih finansijskih izvještaja poslovanja za KJKP „Gras,, d.o.o. Sarajevo za 2022. godinu kao osnove za stvaranje preduslova za pokretanje predstečajnog postupka.
- Davanje preporuka za poduzimanje potrebnih aktivnosti za uređenja računovodstvenog sistema i operativnih knjizenja za poslovnu 2022. godinu za KJKP „Gras ,,d.o.o. Sarajevo (Završni račun za 2022. godinu).
- Pružanje stručne pomoći u implementaciji primjedbi iznesenih u revizorskom izvještaju za 2021. godinu za KJKP „Gras,, d.o.o. Sarajevo.
- Davanje preporuka za realizaciju preporuka iz ranijih revizorskih izvještaja: Ureda za reviziju F BiH i eksterne revizije za KJKP „Gras,, d.o.o. Sarajevo
- Davanje preporuka za realizaciju Zaključaka Vlade Kantona Sarajevo broj 02-04-2845-35.4/21 od 04.02.2021. i 02-04-12146-11/21 od 25.03.2021 godine – Postupak oprijavama nepravilnosti u KJKP „Gradski saobraćaja“ d.o.o. Sarajevo i analizi izvještaja o finansijskoj reviziji.

#### Član 2.

Izvršilac se obavezuje da će poslove iz prethodnog člana obaviti u roku od 01.12.2022-28.02.2023. godine.

#### Član 3.

U izvršenju poslova za koje se zaključuje ugovor, Izvršilac se obavezuje:

1. Poslove izvršavati osobno.
2. Djelovati isključivo u interesu **Naručioca**.
3. Poštovati razumne naloge i primjedbe **Naručioca** ili osobe ovlaštene od strane **Naručioca**.
4. Obavljati poslove u skladu sa standardima i nalozima **Naručioca**.
5. Obavljati poslove stručno i savjesno.
6. Djelovati u skladu sa kodeksom ponašanja **Naručioca** tako da ni na koji način ne ugrozi interes **Naručioca**.
7. Pružati **Naručiocu** dodatna objašnjenja po isteku 30 (trideset) dana od kraja realizacije svih poslova obuhvaćenih Ugovorom, bez posebne naknade.
8. Da će pred trećim licima dosljedno čuvati poslovne tajne **Naručioca**, koje će doznati u svom poslu, za vrijeme trajanja ovog Ugovora.
9. Da će se prema imovini i sredstvima za rad **Naručioca** odnositi sa pažnjom dobrog domaćina.
10. Da će po isteku ovog Ugovora, **Naručiocu** vratiti svu dokumentaciju, imovinu, opremu za rad i materijale, a koje je eventualno preuzeo za izvršenje ugovorenih poslova.
11. Da o svom radu redovno izvještava **Naručioca**.
12. Da dostavi mjesečni izvještaj o obavljenim poslovima odgovornoj osobi **Naručioca** prije isplate naknade za angažman, a najkasnije 7 dana prije isplate.

#### Član 4.

**Naručilac**, kao korisnik djela, ima pravo da sve dobijene materijale i podatke koji su rezultat obavljenog posla **Izvršioca** koristi u svojim aktivnostima neograničeno.

## Obaveze Naručioca

### Član 5.

Naručilac se obavezuje da će Izvršiocu dati sve potrebne informacije za obavljanje posla za koji se Izvršilac angažuje.

### Član 6.

Naručilac se obavezuje da će Izvršiocu za izvršenje poslova iz člana 1. ovog Ugovora isplatiti mjesečnu neto naknadu u iznosu od ██████████

Isplatu po ovom Ugovoru, Naručilac će izvršiti uplatom na žiro račun izvršioca broj: ██████████  
██████████

Naručilac se obavezuje da će izvršiti uplatu svih dodatnih poreza i doprinosa koji proizilaze iz ovog Ugovora, a u skladu sa važećim Zakonom.

U iznos iz stava 1. ovog člana uključeni su svi operativni troškovi Izvršioca.

Izvršilac je dužan na kraju mjeseca dostaviti Izvještaj o obavljenom poslu na osnovu kojeg je Naručilac dužan izvršiti isplatu mjesečne neto naknade iz stava 1.

Naručilac nije obavezan izvršiti isplatu ugovorene neto naknade ukoliko Izvršilac ne dostavi Izvještaj o obavljenom poslu odgovornoj osobi Naručioca.

### Član 7.

Pitanja koja nisu uređena ovim ugovorom rješavati će se primjenom pravila Zakona o obligacionim odnosima o ugovoru o djelu.

## Tajnost podataka

### Član 8.

Sve informacije i podaci koje će jedna ugovorna strana učiniti dostupnima drugoj ugovornoj strani u svrhu izvršavanja odredbi ovog Ugovora, smatraju se tajnim podacima. Tajni podaci ne mogu se koristiti, osim u svrhe određene ovim Ugovorom, bez izričitog pristanka druge ugovorne strane. Niti jedna ugovorna strana neće biti odgovorna za otkrivanje ili korištenje podataka koji u skladu sa ovim Ugovorom predstavljaju tajne podatke, a koji:

- a. već jesu ili postanu poznati javnosti, osim putem povrede ovog Ugovora, ili
- b. se moraju otkriti na temelju zakona sukladno zahtjevu nadležnog tijela.

Obaveze čuvanja tajnosti podataka iz Ugovora ostaju na snazi i nakon prestanka važenja ovog Ugovora. Ugovorna strana koja povrijedi obavezu čuvanja tajnosti podataka iz ovog člana bit će odgovorna za svaku štetu, bez bilo kakvih ograničenja, koja je nastala za drugu ugovornu stranu kao posljedica povrede obaveza čuvanja tajnosti podataka.

## Viša sila

### Član 9.

Ugovorne strane neće biti odgovorne za neizvršavanje bilo koje obaveze iz ovog Ugovora ako je neizvršenje rezultat više sile, tj. događaja izvan kontrole ugovornih strana i neovisnog od njihove volje, a koji nije posljedica namjere ili nepažnje ugovornih strana, te izravno utječe na izvršenje obaveza ugovornih strana iz ovog Ugovora.

## Trajanje Ugovora

### Član 10.

Ovaj Ugovor stupa na snagu danom njegovog potpisivanja i traje do ispunjenja ugovorenih obaveza iz člana 1. ovog Ugovora.

## Nadoknada štete

### Član 11.

Izvršilac se obavezuje da će se prema svim sredstvima za rad, imovini i materijalima odnositi sa pažnjom dobrog domaćina te da će svaku eventualnu štetu uzrokovanu na imovini Naručioca nadoknaditi Naručiocu.

## Raskid Ugovora

### Član 12.

Ugovorne strane mogu otkazati ovaj Ugovor pismenim putem. Obavještenje o raskidu ugovora treba biti dostavljeno najkasnije 15 dana prije namjeravanog dana raskida.

## Završne odredbe

### Član 13.

Svaka izmjena ili dopuna ovog Ugovora mora biti učinjena u pisanom obliku i potpisana od obje ugovorne strane.

U slučaju eventualnih sporova proizašlih iz i/ili u vezi s ovim Ugovorom, ugovorne strane ugovaraju nadležnost suda u Sarajevu.

Ovaj Ugovor sastavljen je u 4 (četiri) istovjetna primjerka od kojih Naručilac zadržava 3 (tri), a Izvršilac 1 (jedan) primjerak.

U znak prihvatanja prava i obaveza iz ovog Ugovora predstavnici ugovornih strana isti vlastoručno potpisuju.

Izvršilac posla

Armin Avdić



Naručilac

Adnan Šteta, ministar

Broj:04-11-2169-2/22  
Sarajevo, 01.12.2022. godine